

Powšitkowne WOZJEWJENJA

njedźelu, 25. februara 2018

Póstnej seminaraj w Smochćicach k temje měř

„Cyrkwje a wójna. Džensa so wo měř postarać“ je hłowna tema lětušich póstnych seminarow w Smochčanskim Domje biskopa Bena. Póndźelu, 26. februara, rěka tema „Wo měř bjez brónjow so postarać – dže da to?“ a 5. měřca „Brónjenje šwikać – dosaha to?“. Referenća su fararka Eva Hadem z Magdeburga, dr. Jörg Lüer z Berlina, farar Bernd Schaller z Berlina a Annemarie Müller z Drježdžan. Seminaraj, kotrejž započnjetej so stajnje w 19.30 hodź., zarjadowuje Dom biskopa Bena w kooperaciji z Ewangelsko-lutherskim cyrkwiskim wobwodom Budyšin-Kamjenc, Budyskim dekanatom a Towarstwom Cyrila a Metoda z.t.

Nóčne modlenje serbskeje młodžiny

Lětuše nóčne modlenje serbskeje dekanatneje młodžiny zahaji so sobotu, 10. měřca, w 21 hodź. w cyrkwi klóštra Marijineje hwězdy. Přitomni njebudu jeničce cistercienske sotry, ale tež diecezanski dušepastyr młodžiny, farar Martin Kochalski. Z nimi móža so młodostni wo duchownych powołanjach rozmołwjeć. Jich wočakuje Taizeski nyšpor kaž tež přiležnosć přijěća sakramenta pokuty. Na wikariji poskići so wječer. Modlenje skónči so z Božej mšu, kotraž započnje so wopołnocy.

Póstny wopór młodžiny za projekt w Africe

Dekanatne dušepastyrstwo młodžiny we Worklecach podpěruje w tutym lěće póstny wopór Dušepastyrstwa młodžiny Drježdžansko-Mišnjanskeho biskopstwa a Krajneho džěloweho zhrmadženstwa katolskeje młodžiny w Swobodnym staće Sakskej (LAGS), kotryž je na kubłanje młodych žonow a maćerjow w tansanskim Ifakaru wusměřeny. Póstny wopór podpěruje natwar tak mjenowaneho „Community Centra“, kotryž zmóžnja młodym zańdženym žonom a maćerjam šulu dokónčić, so dale wukublać a powołanje nawuknyć. Swój wopór móža młodostni w cyrkwi abo we Worklečanskim dekanatnym młodžinskim dušepastyrstwje wotedać. Móža pak jón tež pod hesłom „Ifakara“ na konto Bistum Dresden-Meißen Dekanatsstelle Räckelwitz; IBAN: DE65 7509 0300 0008 2948 79 přepokazać.

Zetkanje samostejacych

Samostejacy ze serbskich wosadow su na swoje přichodne zetkanje wutoru, 6. měřca, w 14 hodź. do Domu biskopa Bena w Smochćicach přeprašeni. Zajimcy njech so prošu hač do srjedy, 28. februara, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli. Wšitcy njech sej Wosadnik sobu přinjesu. Tež druzy su wutrobnje witani.

Wo putnikowanju po Francoskej

W Chróšćanskej putniskej hospodže poda hosćicielka Monika Gerdesowa zhrmadnje z Beatu Gruss z Budyšina sobotu, 3. měřca, dohlad do putnikowanja po Francoskej z Moissaca hač za Pyrenejemi. Započatk je w 19.45 hodź.

Čitanje ze zběrki nowych powědančkow

Na čitanje z noweje antologije „Mlóče“ přeprašuje Ludowe nakładnistwo Domowina wšitkich zajimcow. Zarjadowanje wotměje so njedźelu, 11. měrca, w 15.00 hodž., na farje w Chrósćicach. Wudawačelka Ingrid Juršikowa zběrku předstaji. Z njeje budu Andreja Chěžcyna, Monika Dyrlichowa a Pětr Thiemann čitać. Jurij Smoła zarjadowanje hudźbnje na akordeonje wobrubí. Wopytwarjo móža sej knihu na městnje kupić a sej ju wot awtorow signować dać.

Serbske kemše

Drježdžanscy Serbja su na maćernorěčnu Božu mšu tutu njedźelu, 25. februara, w 16.30 hodž. do cyrkwy swjateho Antonija w Drježdžanach-Löbtauwe, Bünauska hasa 10, přeprašeni. Po kemšach zetkaja so w tamnišej wosadnicy.

Kak džěći aktiwnje zapřijeć

Čestnohamtscy pomocnicy a dalši zajimcy ze serbskich wosadow su na přednošk pod heslom „Kak džěći za Boha zahorić?“ přeprašeni. Referent za džěćacu pastoralku Drježdžansko-Mišnjanskeho biskopstwa Stephan Schubert nawjaza wutoru, 20. měrca, na swój přednošk z lońšeho nowembra a chce so na tutym wječoru mjez druhim prašenju wěnować, kak móhli so džěći aktiwnje do Božeje mše zapřijeć. Započatk je w 19.30 hodž. w Don Boskowym domje we Worklecach.

Pytaja kubłarku

Radworski Katolski serbski džěćacy dom „Alojs Andricki“ pyta kubłarku. Nadrobniše informacije poda wjednica Monika Bukowa, telefonowe čisło (03 59 35) 20 717.

Do Lourdesa a Pólskeje

Přeprašuju na putniskej jězbje z busom wot srjedy, 4. apryla, do štwórtka, 12. apryla, do Lourdesa kaž tež wot srjedy do njedźele, 23. do 27. meje, do Wrocławja a Krakowa. Nadrobniše informacije dóstanu zajimcy pod telefonowymaj čislomaj (01 63) 7 33 82 05 abo (03 57 96) 9 54 28 (po 19 hodž.) abo pola mnje w Hórkach, Sydlišćowy puć 2.

Maćij Hadank